

# Комсомолин-багъчудин кинолекторий кӧдлмшӧн эклв

Комсомольцирин болн багъчудин кинолекторий кӧдлмшӧн эклв.

Сентябрин 7-д кинотеатрин зал Элстин багъ наста кӧдлӧчнрӧр болн сургъульчнрар дӱӱрв.

„В. И. Ленинӧ бӧӧдл-джиргъл болн ӱӱлдврмӱднӱ багъчудт ӱлӱ алдр ӱлгӱр“ — гндг лекц багъчуд сонъсад, дарунь „Ленин 1918 джилд“ гндг кино хӧлӧцхӧв. Тер тоотнӱ экл болджана.

Алдр Октябрин 40-ч джилни ӧӧн кӱртл багъчуд бас чигн революцин алдр вождь В. И. Ленинӧ бӧӧдл-джиргълин болн

ӱӱлдврмӱдн тускар, дакад болхла „Ф. Э. Держинский — революцин болд баатр“, „Советск Хальмгин комсомол.“ „Ставропольд советск нос тогталгънд багъчудин орлцан“ болн нань чигн олн лекц сонъсцхахмн. Тер лекц умшлгънд комсомолин танъгъчин болн балгъсна лектормуд орлцхмн.

Лекц болгъна дарунь „Вихри враждебные“, „Миколка-паровоз“, „Юность Максима“ болн нань бас кино ӱзӱлгдхмн.

Л. КОШЕНКО.